

Verbâl de Assemblee Gjenerâl Ordenarie dai 3 di Març dal 2024

Clamade adun cun letare dai 12 di Zenâr dal 2024, prot. nr. 5/24, daûr dal art. 10 dal Statût,

- in prime convocazion, sabide ai 2 di Març dal 2024, a 11 sot sere;
- in seconde convocazion, domenie ai 3 di Març dal 2024, a 10.30 a buinore;

si è tignude a Udin, tal Salon d'Onôr "Guglielmo Pelizzo" in Vie Manin 18 e in modalitât telematiche, la Assemblee Gjenerâl Ordenarie de Societât Filologjiche Furlane, par discuti dal ordin dal dì culî rêt:

1. Esam, discussion e aprovazion dai documents di Belanç 2023;
2. Esam, discussion e aprovazion dai documents di Belanç di prevision 2024;
3. Variis.

Al è a cjâf de assemblee il President de Societât Filologjiche Furlane, Federico Vicario. Daûr dal art. 10 come 3 dal Statût, stant che a la prime convocazion no si è presentât nissun, il President al declare costituide cun regolaritât in seconde convocazion la Assemblee Gjenerâl dai socis de Societât Filologjiche Furlane "Graziadio Isaia Ascoli".

Il President al propon Feliciano Medeot, Diretôr de Societât, tant che segretari verbalizant de Assemblee; la Assemblee e fâs buine la propueste a la unanimitât.

Il President al domande a ducj i presints di rispietâ un moment di corot par ducj i socis che a son mancjâts vie pal 2023 e tai prins mêis dal 2024.

Pont n. 1 dal ordin dal dì:

Esam, discussion e aprovazion dai documents di Belanç 2024.

Il President al presente la Relazion morâl e, daspò, la relazion su lis ativitâts davueltis tal 2023. A conclusion, il President al passe la peraule al Diretôr de Societât, Feliciano Medeot, che al presente il rindicont di gjestion 2023 e il Stât patrimoniâl al 31.12.2023 de Societât, che al evidenzie un risultât economic de gjestion dal esercizi negatîf par un impuart di 19.295,91 euro e al propon di doprâ lis risiervis par cuvierzi la pierdite.

Al interven il President dai Revisôrs dai Conts, Carlo Plet, che al lei la relazion dant parê positîf su la aprovazion dal Belanç 2023 di bande de Assemblee dai socis e su la propueste fate dai aministradôrs di doprâ lis risiervis par cuvierzi la pierdite.

Il President al ricuarde che, inte suaze de normative dal Tierç Setôr, des ativitâts e dai risultâts de Societât, ancje chest an si à vût di presentâ il Belanç Sociâl pal 2023: chest document al è stât presentât dal Diretôr de Societât ae Assemblee.

Al interven indaûr il President dai Revisôrs dai Conts, Carlo Plet: il Coleç dai Revisôrs al à di presentâ la relazion ancje sul Belanç Sociâl e, ancje in chest câs, al da parê positîf ae aprovazion dal Belanç Sociâl pal 2023.

Ae fin des relazions e dai interventi, si passe aes votazions: la Relazion morâl e ven fate buine ae unanimitât; il Belanç 2023 e la propueste fate dai aministradôrs di doprâ lis risiervis par cuvierzi il risultât negatîf di esercizi a vegnin fats bogns a la unanimitât; il Belanç Sociâl pal 2023 al ven fat bon a la unanimitât.

Pont n. 2 dal ordin dal dì:

Esam, discussion e aprovazion dai documents di Belanç di prevision 2024.

Il President al presente a la Assemblee lis liniis di ativitât de Societât pal 2024 e il prospet dal Belanç di prevision pal 2024.

Si passe duncje a la votazion dal Belanç di prevision 2024 e dal Belanç dal trieni 2024-2026 che a vegnin fats bogns a la unanimitât.

Pont n. 3 dal ordin dal dì:

Variis.

Il President al passe la peraule ai socis.

A intervegnin in presince:

- Dani Pagnucco al ringrazie ducj i socis presints ae Assemblee, al propon di investî tes personis che a scrivin par furlan slargjant i cors e cu la distribuzion di materiâi. Al domande ancje che la Societât e sedi presinte te programazion des ativitâts tal Gurizan in prospettive de Capitâl Europeane de Culture 2025;
- Adina Ruffini e propon di rinfuarçâ lis colaborazions cu la Universitât dal Friûl, cul Mittelfest di Cividât e lis ativitâts de sede de Cjargne;
- Renzo Medeossi al segnale lis iniziative di promozion de lenghe, de culture e de identitât furlanis che si intindin promovi a Gurize pe Capitâl Europeane de Culture 2025.

Il President al rispuint a ducj ju intervents.

Stant che nol è altri ce discuti, la Assemblee si siere a 12.11.

Udin, ai 3 di Març dal 2024

Il segretari verbalizant
Feliciano Medeot